

# Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

## Woñ eo emaron tōbrak?

Ñan tōbrak ñan Jibañ ikijen Eowoj ñan Baamle ko Edik Kolla ko Aer (Working Families Tax Credit, WFTC), kwōj aikuj kōtōbrak aoleb mennin aikuj ko laajrak ñan 2023:

- Kwe (ak armij eo belem elañe ekkar) emōj am baele eowoj in kolla eo am ibben federal (form 1040 [peba 1040] ak 1040-SR).
- Kwe (ak armij eo belem elañe ekkar) emōj kōtōbrak mennin aikuj ko ñan Jibañ ikijen Eowoj jen Kolla in Jerbal (Earned Income Tax Credit, EITC) an federal, **AK** kwōnaj kōtōbrak mennin aikuj ko ñan EITC, bōtab emoj am baele juon Nomba eo ej Kalikar Kajojo Armij eo ej Kolla Eowoj (Individual Taxpayer Identification Number, ITIN).
- Kwe (ak armij eo belem elañe ekkar aikuj jab diklok jen 25 im diklok jen 65 am yiō AK ewōr juon nejum ajiri emaron tōbrak).
- Kwōj aikuj kar jokwe ilo Washington jab diklok jen 183 raan (lablok jen jimettan in yiō eo).
- Kwe (im armij eo belem elañe ekkar) aikuj wōr Aoleben Joñan Kolla Alikin Oktak ko ilo Kolla (Adjusted Gross Income, AGI) ediklok jen joñan ko jinoin ijin lal:

Aoleben Joñan Kolla Alikin Oktak ko ilo Kolla (AGI) aikuj diklok jen		Joñan Ajiri ro Remaron Tōbrak
Jekjek in Am Bael: Make lam	Jekjek in Am Bael: Rimarre	
\$17,640	\$24,210	0
\$46,560	\$53,120	1
\$52,918	\$59,478	2
\$56,838	\$63,398	3+

## Ta eo ij aikuji?

Jouj im lolorjak ewōr melele ko laajrak ibbam mokta jen am kanne ablikajon eo:

1. **Juon kabe in peba in eowoj in kolla eo am ñan federal ilo 2023 emōj an dedelok** im ekoba peba 1040 ak 1040-SR im aoleb peba im laajrak ko kwar bael ibben peba in eowoj in kolla eo am ñan federal ilo 2023.
  - a. Ilo ablikajon eo, kwōnaj aikuj lelok kolla ko wonnam, kolla ko am ilo juon iiō, im tip ko am jen lain 1z im aoleben joñan kolla mokta jen kankan ijellokun jet kankan (AGI) jen lain 11.
2. **Etam iomwin kakien, nomba in social security (Social Security Number, SSN) ak nomba eo ejenolok ej kalikar juon armij ej kolla eowoj (ITIN)**, im raan in lotak eo am, im an armij eo belem (elañe ekkar), im jabdewōt ajiri ro nejum remaron tōbrak. Ñe emōj am kanne peba ñan juon am ITIN im kwōjañin de loe, lale bok eo ilo Kajitōk 2 ej ba "Ilo ien in ij kattare juon ITIN jen Opij eo ej bōk eddoin eowoj (Internal Revenue Service, IRS) (aō make, an armij eo ibba, im/ak ajiri eo neju)." Rebañ kōmadmōde ablikajon in WFTC eo am mae ien eo kwōnaj kebaak Opij eo bwe ren lewaj ITIN eo ej jermal.
3. **Atorej in mael eo an tōrre in im atorej in imōn jokwe an tōrre in.** Ñe kwōnaj kōjermal ilo bok in PO ak bok in mael ejab an kien einwōt atorej in mael, kwōj aikuj lelok ñan Opij eo atorej in imōn

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

jokwe eo am ilo tōrre in. Lale jikin eo ej ba "Imōn Jokwe" ñan tibdikin melele ko kin ta eo kwōn kōmmāne ñe ejellok am atorej in imōn jokwe.

4. **Nomba eo an paan eo am im nomba in akkoun eo am** elañe kwōnaj kelet an jāān eo kaju deloñ.
5. **Jain in etan armij eo ej kateruru** (im ak armij eo belem elañe ekkar).

### Ñaat eo ij kateruru?

Jino jen Babode 1, 2024 ñan 2023.

### Ewi wāween aō kateruru?

- Online ilo WFTC.wa.gov
- Ewōr ablikajon ko ilo peba ilo:
  - Ilo website eo amim: WFTC.wa.gov
  - Opij eo DOR (Ra eo ej kakein eowoj) ilo jukjukinbed.
    - Bellingham - 1904 Humboldt Street
    - Bothell – 12100 NE 195<sup>th</sup> St Suite 100
    - Kent - 20819 72nd Ave South Suite 680
    - Port Angeles - 734 E First St Suite B
    - Richland - 1657 Fowler Street
    - Seattle - 2101 4th Ave Suite 1400
    - Spokane - 1330 N Washington Suite 5600
    - Tacoma - 3315 S 23rd St Suite 300
    - Tumwater - 6500 Linderson Way SW
    - Vancouver - 8008 NE 4th Plain Blvd Suite 320
    - Wenatchee - 630 N Chelan Ave Suite B3
    - Yakima - 3703 River Rd Suite 3
- Ablikajon ko ilo peba remaron boklok ñan opij eo ñe ejab mael ñan:
  - Washington State Department of Revenue  
Attn: Working Families Tax Credit Division  
PO Box 47468  
Olympia, WA 98504-7468

### A. Melele ko Am

1. Lelok aoleben etam iomwin kakien. Etan first im last name ak kakōlle in āt eo etam ej aikuj walok einwōt an bed ilo kaat in social security ak ilo peba in ITIN eo am.
2. Lelok aoleben "SSN" (Nomba in Social Security) eo ejimwe ak "ITIN" (Nomba eo ej Kalikar Kajojo Armij eo ej Kolla Eowoj) eo ejimwe ilo jikin eo emōj lewaj.
  - Ñe emōj am kanne juon peba ñan ITIN jen IRS im kwōjañin de loe, kwōj maron wōt kadedelok ablikajon eo. Elañe kwōj kanne, kakōlle bok eo ilo ablikajon eo ej ba "Ij kattare juon ITIN jen IRS ilo tōrre in (aō make, armij eo ibba, im/ak ajiri eo neju)". Rebañ madmōde ablikajon in WFTC eo am mae ien kwōnaj kebaak Opij eo im lelok ITIN eo/ko ej jermal.

## Kōmelele ko ñan Kanne Jibañ ikijen Ewoj ñan Baamle ko Edik Kolla ko Aer ilo 2023

3. Lelok raan in lotak eo am ilo wāween in (ALLON/RAAN/YIŌ). Waanjoñok, ñe raan in lotak eo am ej Ebrol 15, 1980, kwōj aikuj likūt 04/15/1980.
4. Ñe ewōr am laijen in kattōr ak ID jen state eo an Washington, lelok nomba in laijen in kattōr ak ID eo am jen state eo an Washington ilo bok eo emōj lewaj.
  - Kwōj maron wōt tōbrak ñan juon laijen in kattōr jen state eo an Washington ak ID an State. Am letok melele in enaj jibañ an mōkajlok amim kōmadmōde an etale ablikajon eo. Ñe ejellok am laijen in kattōr ak ID jen state eo an Washington, ak kwōjab maron letok juon, kakōlle bok eo ej ba, "Ejellok aō ak ijab kōnaan lelok nomba in laijen in kattōr ak ID eo aō jen State eo an Washington."
5. Lelok atorej in mael eo am ilo tōrre in.
  - Renaj kōjberbal atorej in mael eo ñan lewaj melele im ñan mael ae waj kolla ko kin jek ak kaat in debit eo emōj kanne jāān kobban. Ñe enaj wōr oktak ilo atorej in mael eo am, aurok am lelok melele eo ekāāl ilo ien eo wōt. Kwōmaron lelok melele eo ekāāl ilo am kall ae lok WFTC ilo 360-763-7300.
  - Ñe emōj lewaj kōmelim ñan am ebōk am mael jen atorej eo an juon doulul, ak mōttam ak nukcum, jouj im lolorjak am kobaiki woñ armij eo ej **lale** mael eo ilo lain in atorej eo ilo ablikajon eo am. "Lale" ej melelein "ibben" ak "ikijen." Ej bar jeje "C/O" ilo peba ko rej mael, kakobaba in ej melele kilin leta eo enaj etal ñan armij eo ej lale (etan opij, armij eo mottam, ak nukcum), innem etan armij ak opij in enaj lelok ñan armij eo an leta eo (kwe). Ñe atorej in mael eo ejab an jikin eo kwōj jokwe ae, rijerbal ro an postal remaron jab lelok peba ilo an jab walok etan armij eo ej lale ilo jikin atorej eo.

Waan joñak, atorej eo enaj walok einwōt laajrak in ilo leta eo:

**[Etam]**  
**C/O [etan opij, ak armj eo mōttam ak nukcum]**  
**123 APPLE WAY**  
**CITY, ST 99999-9999**

6. Lelok juon nomba in talebon eo/ko im atorej in email.

### B. Kajitōk ko ikijen imōn jokwe

7. Ñe kwar jokwe ilo Washington ejab diklok jen 183 raan (elablok jen jimettan in yiō eo) ilo 2023, kakōlle bok eo "Aet". Ñe kwar jab jokwe ilo Washington jab diklok jen 183 raan, kakōlle bok eo "Jab". Ñe kwar kakōlle "Jab," **bōjrak ijin**. Kwōjab maron tōbrak ñan kredit.

Kememej: Ñe kwe rimarre im komiro ear bael ibben doon, juon wōt armij aikuj kōtōbrak mennin aikuj eo ñan jokwe iomwin 183 raan. Armij eo enaj kōtōbrak mennin aikuj eo ikijen jokwe aikuj armij eo kein kajuon ej kanne ablikajon eo. Armij eo belen ej jokwe inabojin state eo eban armij eo kein kajuon ej kanne ablikajon eo.

8. Ñe atorej in mael eo am ej einwōt atorej in imōn jokwe eo am kein kajuon ilo tōrre in, kakōlle bok eo "Aet". Ñe atorej in mael eo am oktak jen atorej in mael eo am kein kajuon ilo tōrre in, kakōlle bok eo "Jab". Ñe kwar uwaak "Aet," kwōmaron woñmaanlok ñan Jekjon C.

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

9. Ñe kwar uwaak "Jab" ñan kajitōk 8, lelok atorej in imōn jokwe eo am kein kajuon ilo tōrre in ilo jikin eo emōj lewaj.
- Ñe kwar lelok juon Bok in PO ak bok in mael eo ejab an kien ñan atorej in mael eo am, kwōj aikuj kakōlle "Jab" ñan kajitōk 8 im lelok atorej in mael eo am kein kajuon ilo jikin eo emōj lewaj. Ñe ejellok imōn am jokwe ilo ien in ak ñe kwōjab maron lelok juon atorej in imōn jokwe kein kajuon, kakōlle "Jab" ñan kajitōk 8 im kakōlle bok eo ej ba, "Ejellok aō ak ijab kōnaan lelok atorej in imōn jokwe eo aō kein kajuon." Jouj im kememej bwe Opij eo emaron kebaak kwe ñan am kamool ke kwōj kōtōbrak mennin aikuj ko ikijen jokwe. Ñe kwar kakōlle "Jab" ñan kajitōk 8, kwōj aikuj lelok atorej in imōn jokwe eo kein kajuon, ak kakōlle ke kwōj kelet in jab lelok atorej in imōn jokwe eo kein kajuon ñan an dedelok ablikajon eo am.

### C. Kajitōk ko ikijen maron tōbrak

10. Kakōlle bok eo ej einwōt jekjekin am bael im kwōj kōjerbal ñan baele peba in eowoj ikijen kolla ñan federal ilo 2023.
11. Ñe kwar claim kredit in EITC eo an federal ilo 2023, kakōlle bok "Aet" im woñmaanlok ñan kajitōk 13. Ñe kwar jab claim kredit, kakōlle bok "Jab" im woñmaanlok ñan kajitōk 12.
- Ñe kwar claim ae EITC eo, aikuj wōr joñan kredit eo ej laajrak ilo lain 27 ilo 1040 eo am. Ñe kwar claim EITC ibben ajiri ro nejum remaron tōbrak ñan jibañ in, kwōj aikuj kar bar kanne Schedule EIC (Laajrak EIC [kredit ikijen kolla jen jerbal, Earned Income Credit]).
12. Kwōj ke kōtōbrak AOEB mennin aikuj ko laajrak? Elañe kwōj, kakōlle bok "Aet" im woñmaanlok ñan kajitōk 13. Ñe kwōjab kōtōbrak aikuj ko laajrak, kakōlle bok "Jab". Ñe kwar kakōlle bok "Jab", **bōjrak ijin**. Kwōjab maron tōbrak ñan kredit eo.

Ñe kwōjab jelā ñe kwar maron tōbrak, etale mennin aikuj ko ijin lal:

- Aoleben Joñan Kolla Alikin Oktak ko ilo Kolla (AGI) eo am jen lain 11 ilo peba in eowoj in federal eo am ñan 2023 aikuj diklok jen:
  - \$17,640 (\$24,210 ñan rimarre rej bael ibben doon) elañe ejellok nejum ajiri emaron tōbrak,
  - \$46,560 (\$53,120 ñan rimarre rej bael ibben doon) elañe ewōr juon nejum ajiri emaron tōbrak,
  - \$52,918 (\$59,478 ñan rimarre rej bael ibben doon) elañe ewōr ruo nejum ajiri ro remaron tōbrak, ak
  - \$56,838 (\$63,398 ñan rimarre rej bael ibben doon) elañe ewōr jilu ak lablok nejum ajiri ro remaron tōbrak.
- Ñe kwe (ak armij eo belem elañe ekkar) ejellok nejum ajiri ro remaron tōbrak, kwe (ak armij eo belem elañe ekkar) aikuj 25 - 64 am yiō ilo jemlokin 2023.
- Ñe kwe (ak armij eo belem elañe ekkar) ewōr am kolla jen joortoklik, aikuj diklok jen \$11,000.
- Wāween ko laajrak REJAB ekkar ñan kwe ilo 2023.
  - Kwar baele juon Federal Form 2555 (Peba an Federal 2555), ikijen kolla eo am jen juon aelon ilikin.

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

- Kwe (ak armij eo belem elañe ekkar) emōj kar juon armij likūt etam einwōt juon ajiri eo nejeir emaron tōbrak.
- Ñe ejellok nejum ajiri ro remaron tōbrak, kwe (ak armij eo belem elañe ekkar) emōj an kar juon armij likūt etam ke ej bōk eddoim.
- Kwe (ak armij eo belem elañe ekkar) rar lale kom einwōt juon rilikin eo ejab jokwe ilo U.S.
- Ilo tōrre in kwōj bed ilo ien eo ejellok kolla jen am kar likūt Jibañ in Kolla ikijen Jerbal jen Federal (EITC).

### D. Melele eo an Armij eo Belem

*Ñe ejellok belem ak juon armij eo kwōj belele ibben, woñmaanlok ñan jekjon E.*

13. Lelok āt eo etan armij eo belem/armij eo kwōj belele ibben iomwin kakien. Etan first name im last name ak āt eo jinoin etam aikuj walok ilo kaat in social security ak peba in ITIN eo an armij eo belem.
14. Lelok "SSN" (Nomba in Social Security) ak "ITIN" "ITIN" (Nomba eo ej Kalikar Kajojo Armij eo ej Kolla Eowoj) eo ej jermal an armij eo belem/armij eo kwōj koba ibben ilo jikin eo emōj lewaj.
15. Lelok raan in lotak eo an armij eo belem/armij eo kwōj belele ibben ilo wāween eo laajrak (ALLON/RAAN/YIŌ). Waanjoñok, ñe raan in lotak eo an ej Ebrol 15, 1980, kwōj aikuj likūt 04/15/1980.

### E. Melele kin ajiri ro remaron tōbrak

Jekjon in ej wōt ñan armij ro rej kateruru im rej likūt ajiri ro remaron tōbrak in bōk kredit eo. Kwōj aikuj likūt aoleb melele eo emōj kajitōke ijin lal ñan ajiri eo/ro nejum remaron tōbrak. Am likjab in letok melele emaron kōmman an rumij an madmōd ablikajon eo am. **Juon ajiri eo emaron tōbrak emaron claim ilo juon ablikajon jen juon armij ak juon ribelele.**

#### Ta mennin aikuj ko ñan juon ajiri eo emaron tōbrak?

Juon ajiri eo emaron tōbrak aikuj kōtōbrak mennin aikuj ko ikijen maron tōbrak ñan am maron likūti ilo ablikajon eo am. Ajiri eo aikuj nukum, aikuj diklok jen jejetin joñan yiō, ejab baele eowoj eo an make ibben bar juon, im ear jokwe ibbam lablok jen jimettan in yiō eo ilo 2023.

Juon ajiri eo emaron tōbrak im juon armij eo kwōj bōk eddoin im kwar likūt ilo eowoj in federal ko am ejab ñan ejjā wāween ko an WFTC. Ñe kwar maron likūt juon armij einwōt armij eo kwōj bōk eddoin ilo eowoj in federal ko am, ejab melelein ke kwōmaron likūt etan einwōt juon ajiri eo emaron tōbrak. Jouj im lolorjak ke jabdewōt ajiri eo kwōj kalikar ñan WFTC ej kōtōbrak mennin aikuj ko an juon armij eo emaron tōbrak im emōj kōmelele ijin lal.

#### Kadkad

Juon ajiri eo emaron tōbrak aikuj nukum ilo juon wāween. Emaron nejum ak jatim ak jeim. Waanjoñok, juon ajiri eo emaron tōbrak emaron juon make nejum ajiri (ekoba ajiri ro kwar kōkkaajiriri), juon riabin nejum, ajiri in foster, ak juon ajiri nejin juon nejum, einwōt jibim. Juon ajiri eo emaron tōbrak emaron

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

bar juon jatim ak jeim, juon jeim ak jatim nejin jinom ak jemom, riabin jeim ak jatim, ak juon ajiri nejin jeim ak jtaim, einwōt leddik ak laddik eo nejin juon jeim ak jatim. Kwōjab maron likūt armij eo belen ajiri eo nejum einwōt juon ajiri eo emaron tōbrak.

### Joñan yiō

Juon ajiri eo emaron tōbrak aikuj diklok jen 19 an yiō ilo jemlokin 2023 **im** diklok jen kwe (ak armij eo belem elañe ekkar). Ñe ajiri eo emaron tōbrak emōj kadeloñ etan einwōt juon rijikuul ej jikuul iomwin likio in awa, rej aikuj diklok jen 24 aer yiō ilo jemlokin 2023 **im** diklok jen kwe. Ñe ajiri eo emaron tōbrak ewōr an utamwe ñan indeo im elukkun wōr an utamwe ilo jabdewōt ien ilo 2023, ejellok mennin aikuj ikijen joñan yiō.

Bōnōbōn ko kin Joñan Yiō: Juon ajiri eo emaron tōbrak emōj watōke an tōbare joñan yiō eo ilo raan eo mokta jen raan in lotak eo an.

**Waanjoñok 1:** Raan in lotak eo an leddik eo nejum ej 1/2/2005. Emōj watōke ej 18 ilo 1/1/2024. Kwō **maron** likūt leddik eo nejum einwōt juon ajiri eo emaron tōbrak ñan Jibañ ikijen Eowoj ñan Baamle ko Edik Kolla ko Aer kinke ekkar diklok jen 19 (18 an yiō) ilo jemlokin 2023.

**Waanjoñok 2:** Raan in kemem eo an laddik eo nejum ej 12/31/2004. Emōj watōke 19 ilo 12/30/2023. Kwō **ban** likūt laddik eo nejum einwōt juon ajiri eo emaron tōbrak kinke ejab *diklok* jen 19 im ejab juon rijikuul ej jikuul iomwin likio in awa ilo jemlokin 2023.

**Waanjoñok 3:** Laddik eo jatim ak jeim 20 an yiō, im ae juon rijikuul ej jikuul iomwin likio in awa im ejab rimarre, ej jokwe ibbam im armij eo belem. 18 an yiō im armij eo belem 21 an yiō. Kwe im armij eo belem ear jimor baele peba in eowoj ko amiro ibben doon ñan 2023. Kwo **maron** likūt laddik eo jatim ak jeim einwōt juon ajiri eo emaron tōbrak ñan Jibañ eo ikijen Eowoj ñan Baamle ko Edik Kolla ko aer kinke laddik eo jatim ediklok joñan yiō eo an armij eo belem. Kinke laddik eo jeim ak jatim ej juon rijikuul ej jikuul iomwin likio in awa, ear jab baele juon peba in eowoj ibben doon, im ear jokwe ibbam, emōj an kōtōbrak mennin aikuj ko ñan an ajiri eo nejum emaron tōbrak.

**Waanjoñok 4:** Laddik eo jatim 23 an yiō, im ej juon rijikuul ej jikuul iomwin likio in awa im ejañin marre, ej jokwe ibbamiro armij eo belim. 18 an yiō im armij eo belem 21 an yiō. Kwe im armij eo belem enaj baele juon peba in eowoj ibben doon ñan 2023. Kwō **ban** likūt laddik eo jatim ak jeim einwōt ajiri eo emaron tōbrak ñan Jibañ ikijen Eowoj ñan Baamle ko Edik Kolla ko aer kinke laddik eo jatim ejab diklok yiō eo an jen kwe ak armij eo belem. Jekdon jatim, rijikuul eo ej jikuul iomwin likio in awa, im ej jokwe ibbam, kwōjab maron likūt einwōt ke ediklok jen kwe ak armij eo belem.

**Waanjoñok 5:** Laddik eo naj nejum 24 an yiō elab an jokwe ibbam. Ejab ae rimarre im elukkun im lab utamwe eo ibben. Kwō **maron** likūt laddik eo naj nejum ñan Jibañ ikijen Eowoj ñan Baamle ko Edik Kolla ko aer kinke elukkun im lab utamwe eo ibben, innem rejab lale joñan yiō eo an ñan an maron tōbrak.

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

### **Peba in Eowoj ibben Doon**

Juon ajiri eo emaron tōbrak aikuj **jab** mōj an bael peba in eowoj ibben doon ñan 2023 ijellokun ñe rej baele wōt juon peba ñan an roollok kolla in eowoj eo emōj dābiji ak kolla in eowoj eo rej antoone.

**Waanjoñok 1:** Leddik eo nejum im armij eo belen 18 aer yiō im rej jokwe ibbam. Kolla eo aero jimor ej \$10,000 ilo juon yiō im rejab aikuj bael peba in eowoj in kolla ñan federal. Renaj kelet in jab bael. Kwō **maron** likūt leddik eo nejum einwōt ajiri eo emaron tōbrak ñan Jibañ ikijen Eowoj ñan Baamle ko Edik Kolla ko aer kinke ediklok jen 19 an yiō, ej jokwe ibbam, im ejañin bael peba in eowoj ibben armij eo belen. Kwōjab maron likūt armij eo belen ajiri eo nejum einwōt juon ajiri eo emaron tōbrak.

**Waanjoñok 2:** Laddik eo nejum im armij eo belen 18 aer yiō im rej jokwe ibbam. Rej jimor kōmmane \$11,000 kajojo yiō im rejab aikuj bael peba in eowoj in kolla an federal. Rej bael peba in eowoj ibben doon ñan aer bōke bwe in kolla in eowoj eo emōj aer kar dābiji. Kwō **maron** likūt laddik eo nejum einwōt ajiri eo emaron tōbrak ñan Jibañ ikijen Eowoj ñan Baamle ko Edik Kolla ko aer kinke ediklok jen 19 an yiō, ej jokwe ibbam, im ekkar bael peba in eowoj ibben armij eo belen ñan an wōt bōke bwe in eowoj eo rar dābiji. Kwōjab maron likūt armij eo belen ajiri eo nejum einwōt juon ajiri eo emaron tōbrak.

**Waanjoñok 3:** Ajiri eo jibim im armij eo belen 18 aer yiō im rej jokwe ibbam. Kolla eo aero jimor ej \$10,000 ilo juon yiō im rejab aikuj bael peba in eowoj in kolla ñan federal. Renaj kelet in bael peba in eowoj ibben doon ñan aer bōke Jibañ in Lelok Kolla ikijen Eowoj ñan RiAmedka. Kwō **ban** likūt leddik eo jibim kinke rej bael peba in eowoj ibben doon ñan aer bōke kredit eo, ejab wōt ñan aer bōke bwe in eowoj eo emōj dābiji.

### **Jikin Jokwe**

Ajiri eo nejum emaron tōbrak aikuj kar jokwe ibbam elablok jen jimettan in yiō eo ilo 2023. Ñe ajiri eo nejum ekkar lotak ak mij ilo 2023, rej aikuj kar jokwe ibbam lablok jen jimettan in yiō eo jen ien mour eo aer ilo 2023.

**Waanjoñok 1:** Ewōr nejimiro armij eo kar belem mokta juon ajiri 10 an yiō. Elab an ajiri eo kar jokwe ibbam im ear jokwe ibben armij eo kar belem mokta aoleb lokin juon wiiken. Kinke ajiri eo ear jokwe ibbam elablok jen jimettan in yiō eo, kwō **maron** likūt ajiri eo ñan Jibañ ikijen Eowoj ñan Baamle ko Edik Kolla ko aer. Armij eo kar belem eban maron likūt etan ajiri eo ilo peba ko an.

**Waanjoñok 2:** Kwar emakūt tok ñan Washington ilo Janwode 1, 2023, ikijen jermal. Ajiri eo nejum ear itok in jokwe ibbam ilo Jebtomba 1, 2023. Kinke ajiri eo nejum ekkar jokwe wōt ibbam iomwin 4 allon ilo 2023 (Jebtoma 1-Tijemba 31, 2023), kwō **ban** likūt ettaer ilo Jibañ ikijen Eowoj ñan Baamle ko Edik Kolla ko aer.

**Waanjoñok 3:** Ajiri eo nejum ekkar mij ilo Babode 28, 2023, im ekkar deloñ aujbitol jen Janwode 15, 2023, mae ien eo ear mij. Kwō **maron** wōt likūt ajiri eo nejum ñan Jibañ ikijen Eowoj ñan Baamle ko Edik Kolla ko aer ñan 2023, toon wōt an armij eo juom maron likūt ettaer. Ajiri eo ekkar mij ilo 2023 emōj likūt ear jokwe ibbam iomwin ien eo elablok jen jimettan in 2023 elañe

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

mweo imōm ej mweo ajiri eo ekkar jokwe ie lablok jen jimettan in ien an ajiri eo kar mour ilo 2023. Ien eo kwe im ajiri eo nejum ekkar jako iomwin jidik ien jen mweo kin wāween ko rej make wōt, einwōt nañinmij, rej watōke wōt ke ej ien an kar ajiri eo jokwe ibbam.

### Kakien ko ñan Kelet:

Juon ajiri emaron tōbrak ñan Jibañ eo an Baamle ko Edik Kolla ko aer ñan elablok jen juon armij eo ej kateruru. Bōtab, ajiri eo emaron wōt bed etan jen ibben juon armij (im armij eo belen armij in elañe ekkar) kajojo yiō. Lale ijin lal ñan kakien ko ñan kelet ñan lale armij to eo emaron likūt etan ajiri eo emaron tōbrak.

- Ñe juon wōt armij eo ej jinen ak jemen ajiri eo, renaj watōke ajiri eo ej juon ajiri eo emaron tōbrak an jinen ak jemen eo.
- Ñe jinen ak jemen enaj bael peba in eowoj ibben doon ñan federal im remaron likūt ajiri eo einwōt juon ajiri eo emaron tōbrak, renaj likūt ajiri eo einwōt ajiri eo emaron tōbrak an jinen im jemen jimor.
- Ñe jinen im jemen rejab bael peba in eowoj ibben doon ñan federal bōtab jinen im jemen jimor remaron likūt ajiri eo ilo peba in eowoj eo aer ibben federal, renaj watōke ajiri eo emaron tōbrak ñan jinen ak jemen eo im ajiri eo ekkar lablok ien an jokwe ibben iloan yiō eo. Ajiri eo aikuj kar jokwe ibben jinen ak jemen jab diklok jen 183 raan. Ñe ajiri eo ekkar jenolok an jokwe ibben jinen ak jemen kin ejjā joñan ien ko, renaj likūt ajiri eo einwōt juon eo emaron tōbrak an jinen ak jemen eo elablok aoleben joñan kolla alikin oktak ko ilo kolla (AGI) ñan yiō eo.
- Ñe jinen ak jemen rejab maron likūt ajiri eo einwōt juon ajiri eo emaron tōbrak, rej aikuj likūt ajiri eo einwōt juon eo emaron tōbrak ñan armij eo ej kōtōbrak mennin aikuj ko an ajiri im elabtata joñan AGI eo an yiō eo.
- Ñe jinen ak jemen emaron likūt ajiri eo einwōt juon ajiri eo emaron tōbrak bōtab jinen ak jemen ejab likūt ajiri eo, renaj likūt ajiri eo einwōt juon ajiri eo emaron tōbrak an armij eo elabtata joñan AGI eo an ñan yiō eo, bōtab wōt ñan AGI eo an armij eo elablok jen AGI eo elabtata joñan an jabdewōt jinen ak jemen ajiri eo im emaron likūt etan ajiri eo.

**Waanjoñok 1:** Kwe im leddik eo nejum 2 an yiō, Jimmy ekkar jokwe ibben jinom ilo aoleben yiō eo. 25 am yiō, ejab kwe rimarre, im AGI eo am ej \$9,000. AGI eo an jinom ej \$22,000. Jimmy ej kōtōbrak mennin aikuj ko ikijen kadkad, joñan yiō, jikin jokwe, im teej in eowoj ko rej ibben doon ñan kwe im jinom jimor. Bōtab, juon wōt iami emaron likūti einwōt juon ajiri eo emaron tōbrak ñan ebōk WFTC. Ejab juon ajiri eo emaron tōbrak ñan jabdewōt bar armij, ekoba jemen. Ñe kwōnaj kelet in jab likūt Jimmy einwōt ajiri eo emaron tōbrak ñan WFTC jinom emaron likūti einwōt juon ajiri eo emaron tōbrak ñan ebōk WFTC.

**Waanjoñok 2:** Kwe am leddik eo naj nejum 7 an yiō, ajiri eo nejin kora eo jeim ak jatim, ekkar jokwe ibben jinom ilo aoleben yiō eo. Ekkar 25 am yiō, im AGI eo am ekkar \$9,300. Kolla eo am wōt ekkar jen juon jermal kin jimettanin awa ko. AGI eo an jinom ekkar \$15,000. Kolla eo an wōt ekkar jen jermal eo an. Jinen im jemen leddik eo naj nejum rekkar bael ibben doon, ewōr juon aer AGI ediklok jen \$9,000 im ejab jokwe ibbam ak ibben ajiri eo nejin. Leddik eo nejum ej kōtōbrak aikuj ko ikijen kadkad, joñan yiō, jikin jokwe, im teej in eowoj



## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

eo aero ñan kwe im jinom jimor. Bōtab, jinom wōt emaron likūt ae einwōt juon ajiri eo emaron tōbrak. Mennin ej kinke AGI eo an jinom, \$15,000, elablok jen AGI eo am, \$9,300.

### 16. Kadedelok Jekjon E ilo Ablikajon eo an Jibañ ikijen Eowoj ñan Baamle ko Edik Kolla ko aer

- Lelok jete nejum ajiri. Kwōban maron likūt lablok jen jilu ajiri ñan kredit eo. Waanjoñok, elañe ewōr 5 nejum ajiri, kwōnaj wōt lelok melele ñan jilu ajiri. Joñan kredit eo im joñan jinoin kolla ko rejab lablok ālikin 3 ajiri.
- Kōlaajrak etan first name iomwin kakien ko an ajiri eo/ro nejum remaron tōbrak einwōt an walok ilo kaat in social security ak peba in ITIN eo an. Ñe kwōj likūt elablok jen juon ajiri, kōlaajrake etan first name eo an kajojo ajiri ilo jikin ko rejenolok. Kwōnaj maron wōt claim ae 3 ajiri. Jab lelok melele ko ñan lablok jen 3 ajiri.
- Kōlaajrak Inijol in middle name iomwin kakien an ajiri eo/ro nejum remaron tōbrak einwōt an walok ilo kaat in social security ak peba in ITIN eo an. Ñe ejellok aer Inijol in middle name, jab kanne ijin.
- Kōlaajrak etan last name iomwin kakien an ajiri eo/ro nejum remaron tōbrak einwōt an walok ilo kaat in social security ak peba in ITIN eo an. Etan Last Name ko aer iomwin kakien ejab aikuj einwōt etam.
- Lelok raan in lotak eo/ko an ajiri eo/ro nejum remaron tōbrak ilo wāween eo (ALLON/RAAN/YIŌ). Waanjoñok, ñe raan in lotak eo an ajiri eo nejum ej Mae 6, 2005, likūt raan in lotak eo an ej 05/06/2005.
- Likūt aoleben SSN eo jermal an ajiri eo nejum ñe ejab aoleben nomba in ITIN eo ej jermal ilo jikin eo emōj lewaj. Ñe emōj am kateruru ñan juon ITIN ñan ajiri eo nejum im kwōjañin loe, kwōj maron wōt kadedelok ablikajon eo, bōtab kwōj aikuj kakōlle bok eo ilo Kajitōk 2.
- Kelet bok in kakōlle eo elabtata an kōmelele kaddad eo am ñan ajiri eo/ro nejum remaron tōbrak.
  - Ajiri eo nejum, riabin nejum, ajiri in kōkkaajiriri ak ajiri in foster ekoba jabdewōt ajiri eo ear walok jen ajiri rein, einwōt juon jibim.
  - Jatim ak jeim, jatim ak jeim bwe nejin jemom ak jinom wōt, ak riabin jeim ak jatim ekoba jabdewōt ajiri ear walok jen ajiri rein, einwōt juon eo enaj nejum.
- Ñe ajiri eo nejum ekkar jokwe ibbam elablok jen jimettan in yiō eo, kakōlle bok eo "Aet". Ñe ajiri eo nejum ekkar jab jokwe ibbam lablok jen jimettan in yiō eo, kakōlle bok eo "Jab". Ñe kwar kelet "Jab," kwōban maron likūt ajiri eo ñan Jibañ eo an Baamle ko Edik Kolla ko aer.
- Ñe ajiri eo/ro nejum ekkar juon rijikuul ej jikuul iomwin likio in awa ñan jabdewōt allon ko 5 ilo 2023, kakōlle bok "Aet". Ñe ajiri eo/ro nejum ekkar jab juon rijikuul ilo 2023, kakōlle bok "Jab". Ñan an maron tōbrak einwōt juon rijikuul, ajiri eo nejum aikuj diklok jen 24 an yiō ilo jemlokin 2023 im aikuj juon rijikuul eo ej jikuul iomwin likio in awa ilo juon jikuul eo ewōr rikaki ro ekkā, ta eo ej katak, im joñan rijikuul ro ilo jikuul eo ekkā (waanjoñok: jikuul in elementary, middle school, high school, kaloj, ak jikuul kin jejetin kapeel in jermal); jikuul kin likio in awa, ilo juon katak in kaminene ilo atake jen jikuul eo emōj kōmelele moktalok.
  - **Waanjoñok 1:** Ajiri eo nejum ej jokwe ibbam im ej jikuul ilo juon kaloj ilo jukjukinbed im jikuul kin likio in awa. Rejab rimarre im rekkar jab bael peba in eowoj ibben doon. Rekkar 23 ilo Oktoba. Ajiri eo nejum emaron tōbrak einwōt juon rijikuul kinke ej

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

jikuul ilo juon kaloj ilo jukjukinbed iomwin likio in awa im ekkar diklok jen 24 an yiō ilo jemlokin yiō eo.

- **Waanjoñok 2:** Ajiri eo nejum ej jokwe ibbam im ej jikuul ilo juon kaloj ilo jukjukinbed iomwin likio in awa. Rejab rimarre im rekkar jab bael peba in eowoj ibben doon. Rekkar 24 ilo Nobomba. Ajiri eo nejum **ejab** maron tōbrak einwōt juon rijikuul kinke ekkar diklok jen 24 an yiō ilo jemlokin 2023.
- Ñe utamwe eo an ajiri eo/ro nejum ekkar ñan indeo im lukkun lab ilo jabdewōt ien ilo 2023, kakōlle bok "Aet". Ñe utamwe eo an ekkar jab ñan indeo im lukkun lab, kakōlle bok "Jab". Juon armij eo emōj watōke utamwe eo an ej ñan indeo im lukkun lab elañe laajrakin kakōlle kein jimor ijin lal rej jeral:
  - Ejab maron bōk kwōnaan ilo jabdewōt makutkut eo elab joñan kin nañinmij eo ibben ilo enbwinnin ak kōmelij, **IM**
  - Juon taktō eo emōj kile enaj loe ke nañinmij eo ear walok ak remaron katmane an woñmaanlok jab diklok jen juon yiō ak remaron katmane enaj kōmman mij
- Ñe kwar likūt etan ajiri eo/ro nejum ñan Jibañ in Kolla ikijen Jeral (EITC) ilo peba in eowoj eo am ibben federal, kakōlle bok "Aet". Ñe kwar jab likūt ajiri eo/ro nejum ñan EITC, kakōlle bok "Jab".

### F. Kolla jen Jeral

17. Likūt joñan jāān eo emōj kōlaajrak ilo lain 1z jen peba in eowoj eo an federal am 1040 ak 1040-SR ilo 2023.

**Waanjoñok in "lain 1z" ilo peba 1040:**

Income			
	<b>1a</b>	Total amount from Form(s) W-2, box 1 (see instructions)	<b>1a</b>
	<b>b</b>	Household employee wages not reported on Form(s) W-2	<b>1b</b>
	<b>c</b>	Tip income not reported on line 1a (see instructions)	<b>1c</b>
	<b>d</b>	Medicaid waiver payments not reported on Form(s) W-2 (see instructions)	<b>1d</b>
	<b>e</b>	Taxable dependent care benefits from Form 2441, line 26	<b>1e</b>
	<b>f</b>	Employer-provided adoption benefits from Form 8839, line 29	<b>1f</b>
	<b>g</b>	Wages from Form 8919, line 6	<b>1g</b>
	<b>h</b>	Other earned income (see instructions)	<b>1h</b>
	<b>i</b>	Nontaxable combat pay election (see instructions)	<b>1i</b>
	<b>z</b>	Add lines 1a through 1h	<b>1z</b>

Attach Form(s) W-2 here. Also attach Forms W-2G and 1099-R if tax was withheld.  
If you did not get a Form W-2, see instructions.

18. Kobaiki Aoleben Joñan Kolla Ālikin Jet Kankan (AGI) emōj ripoot ilo lain 11 ilo peba in 1040 ak 1040 SR eo ilo peba in eowoj eo am ibben federal ñan 2023.

**Waanjoñak in "lain 11" ilo peba 1040:**

<b>8</b>	Other income from Schedule 1, line 10	<b>8</b>
<b>9</b>	Add lines 1z, 2b, 3b, 4b, 5b, 6b, 7, and 8. This is your <b>total income</b>	<b>9</b>
<b>10</b>	Adjustments to income from Schedule 1, line 26	<b>10</b>
<b>11</b>	Subtract line 10 from line 9. This is your <b>adjusted gross income</b>	<b>11</b>
<b>12</b>	<b>Standard deduction or itemized deductions</b> (from Schedule A)	<b>12</b>
<b>13</b>	Qualified business income deduction from Form 8995 or Form 8995-A	<b>13</b>
<b>14</b>	Add lines 12 and 13	<b>14</b>
<b>15</b>	Subtract line 14 from line 11. If zero or less, enter -0-. This is your <b>taxable income</b>	<b>15</b>

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

Ñe AGI eo am elablok ak joñan wõt jinoin kolla eo am, emōj kalikar ilo Peij 1 ilo kōmelele kein, **bōjrak ijin**. Kwōjab maron tōbrak ñan kredit eo.

19. Ñe kwar kajojo am kōlaajrak joñan ko ilo peba in eowoj eo am ibben federal ñan 2023, kakōlle bok "Aet". Ñe kwar jab kōjenolok am kōlaajrak, kakōlle bok "Jab", im ñe kwōjab jela ñe kwar kajojo am kōlaajrak ilo peba in eowoj eo am ibben federal, kakōlle bok eo "Jab Jela".
- Ñe kwōnaj kajojo am kōlaajrak joñan ko ilo peba in eowoj eo am, emōj am kadedelok Schedule A (Laajrak A) ilo peba in 1040 ak 1040 SR eo am. Ñe laajrakin ekkar jab dedelok, kwar **jab** kōjenolok am kōlaajrak. Ñe kwōjab jela kwar kōjenolok am kōlaajrak joñan ko ilo peba in eowoj eo am ilo 2023, kakōlle bok eo "Jab Jelā".
20. Kakōlle bok eo iturin jabdewõt melele ko rekkar walok ñan kwe ilo 2023. Ñe ejellok melele kein rekkar walok ñan kwe ilo 2023, woñmaanlok ñan jekjen G.

### Kōmelele kin Jekjek ko Remaron Walok

**Jerbal eo an Make:** Ewōr am juon jejjetin jermal kapeel ak bijnej einwõt juon binej eo am make ak juon eo ej make koontoreak; kwōj uwaan juon bijnej eo an ruo ak lablok armij im ej kōmmman jejjetin jermal kapeel ak bijnej; ak kwōj make bijnej ibbam make (ekoba juon bijnej kin jimettan awa).

**Uwaan juon kabun ak jermal ilo juon imōn jar im emōj bael Schedule SE (Laajrak SE):** Ñan jibañ ko ilo jermal ko an kabuñ, ro uwaan rikaki in kabun eo rej bōke juon Peba W-2 bōtab ejellok dābdeb in eowoj ko ñan social security ak Medicare. Rej aikuj kolla social security im Medicare ilo aer kanne [Laajrak SE \(Peba 1040\)](#), [Eowoj jen Jermal eo Aer Make](#).

**Ej jermal jen jikin tarinae im ebōk kolla in an bed ilo jikin tarine:** (1) Kwōj aikuj uwaan United States Armed Forces, im (2) Maron bōke jibañ eo aikuj lukkun tōbrak iloan allon eo im armij eo ej uwaan doulul eo bed ilo jikin tarinae eo emōj kalikar ak ekkar deloñ aujbitol kin kinej, nañinmij, ak jorrān eo ear walok jen an kar jermal ilo jikin tarinae eo emōj kalikar.

**Rijerbal iomwin kakien im emōj baele juon Schedule C (Laajrak C) ibben peba in eowoj eo am ñan federal:** Juon rijerbal iomwin kakien ej juon armij eo ej make koontoreak im emōj watōke ej juon rijerbal ñan an dābdeb wonnen eowoj. Kajojo armij aikuj kōtōbrak jejjetin mennin aikuj ko ñan aer watōke ej juon rijerbal ekkar ñan kakien. Rijerbal ro emōj kalikar iomwin kakien remaron bar jolok wonnen ko rej kollaiki ikijen jermal ilo Laajrak C ilo ien aer baele peba in eowoj ko aer ibben federal.

# Kōmelele ko ñan Kanne Jibañ ikijen Ewoj ñan Baamle ko Edik Kolla ko Aer ilo 2023

## Waanjoñok kin Laajrak C

**Ekkar Wōr Jibañ in ñan Jab Kolla Wonnen Medicaid:** Kien eo an federal ekkar lelok kolla ko ñan jibañ jab kolla wonnen Medicaid ñan juon armij eo ej lelok jibañ ilolan mweo imōm iomwin ien aitok ñan armij eo emaron kar deloñ ilo aujbitol, imōn nōōjin, ak ilo bar juon jikin eo rej lelok jibañ ko ebwe joñaer.

### G. Ewi wāween am kōnaan bōke kredit eo an ajiri eo nejum?

Kelet "Jāān eo ej Kaju Deloñ ilo Akkoun" elañe kwōkōnaan bwe Jibañ ko am ikijen Ewoj ñan Baamle ko Edik Kolla ko Aer bwe ren kaju deloñ ilolan akkoun in paan eo am. **Lolorjak an alikar am je im jimwe nombra eo an paan eo am im nombra eo an akkoun eo am.**

Kelet "Emōj an Mael Jek" elañe kwōkōnaan bwe Jibañ eo am ikijen Ewoj ñan Baamle ko Edik Kolla ko Aer ren jilkinwaj ñan atorej in mael eo kwar lelok.

Kelet "Kaat in Debit eo emōj Kanne Jāān Kobbān" elañe kwōkōnaan aer likūt Kredit in Ewoj eo an Baamle ko rej Jerbal ilo juon kaat in debit emōj kanne jāān kobbān ñan atorej in mael eo emōj am lelok.

- Kaat in debit ko emōj kanne kobbān renaj likūt wōt etan armij eo kein kajuon ilo ablikajon eo, im juon wōt kaat renaj lewaj.

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

- Kaat in debit eo emōj kanne kobban renaj jilkinlok ñan atorej in mael eo kwar lelok ilo ablikajon eo.
- Ilo ien emōj karoolwaj jāān ilo juon kaat in debit emōj kanne kobban, DOR eban jañiji wāween am bōk kolla eo am. Jouj im lolorjak an jimwe aoleb melele ko kwōj lelok.
- Ñan am bōk melele ko relablok kin mennin aikuj im wonnen kaat in debit eo emōj kanne jāān kobban, jouj im lale [wftc.wa.gov/DebitCards](https://wftc.wa.gov/DebitCards).

Department of Revenue (Ra eo ej kakien eowoj) ejab an eddo ñan kolla eo ejako elañe ebōd am likūt melele in akkoun ak atorej in mael. Ñe jekjon in ejab dedelok, renaj jilkinwaj juon jek ñan atorej in mael eo kwar lelok ilo Jekjon A. Ñe pāān ejab bōke direct deposit eo, renaj mael ae waj juon jek ñan atorej in mael eo kwar lelok ilo Jekjon A. Lolorjak an atorej in mael eo am jimwe ilo Jekjon A (Melele ko am, peij 1).

### H. Peba ko Emōj Likūt

Likūt juon kabe in peba in eowoj eo am ñan federal (Peba an Federal 1040 ak 1040 SR) im AOEB laajrak ko rekka. Peba an Federal 1040 ak 1040 SR ej juon peba in eowoj in kolla an federal ewōr joñan rej kōjberbal ñan ripoot kolla jen IRS, likūt joñan ko kwar kolla im kredit ñan eowoj, im bwinne bwe in eowoj ak muri in eowoj ñan yiō eo. Ñe kwōjab maron lelok juon kabe in peba in eowoj eo am ñan federal, kwōmaron kajitōk juon peba in melele kin eowoj an IRS ej kwalok melele ko kin eowoj ko am im ekoba aoleben joñan kolla alikin oktak ko ilo kolla. Ñe kwōjab kobaiki aoleben peba in eowoj ko am, emaron jab tōbrak ablikajon eo am.

Kajitōk peba kin melele Online:

<https://www.irs.gov/individuals/get-transcript>

Kwōmaron bar kajitōk peba eo kin melele ilo mael ak ilo am kall ae lok jikin jibañ eo ej lewaj melele ilo talebon an IRS ej kaju wōr ainikijen kenono ilo [800-908-9946](tel:800-908-9946).

### I. Kamool im jain in etam

Kwe, im armij eo belem elañe ekkar, aikuj jaini ablikajon eo ñan aer lomnak in lewaj bwe eo. Ilo am jaini ablikajon in, kwōj errā kin laajrak:

- Aoleb melele ko emōj lelok remool, rejimwe, im dedelok.
- Kwōmaron lelok aoleb peba in kamool ñan aoleb melele ko emōj am lelok ilo ablikajon eo.
- Kwar bael peba in eowoj ñan federal an 2023 einwōt raan eo kwar jaini ablikajon eo am.
- Ablikajon eo ear jab etal ikijen juon armij eo emōj an mij.
- Kwar kolla eowoj in wia ilo jikin wia ilo State eo an Washington ak kōjberbal eowoj ñan mweiuk ak jberbal in jibañ ko kwar wiaiki ilo 2023.

Lelok raan eo kwe (im armij eo belem elañe ekkar) ekkar jaini ablikajon eo ilo wāween in (ALLON/RAAN/YIÖ). Waanjoñok, ñe kwar jaini ablikajon in ilo Babode 3, 2024, je "02/03/2024."

## Kōmelele ko ñan Kanne Jibañ ikijen Eowoj ñan Baamle ko Edik Kolla ko Aer ilo 2023

### J. Melele eo an Armij eo ej Kanne

*Am bebe in kanne jekjon in.*

21. Ñe kwar make kadedelok ablikajon in WFTC eo, kakōlle bok "Aet". Ñe bar juon armij eo kanne ablikajon eo am ñan kwe, kakōlle bok "Jab". Ñe kwar kakōlle "Jab," lelok melele eo laajak ñan armij eo ej kanne ablikajon eo ñan kwe:
  - a. etan im nomba in talebon eo an armij eo ej kanne.
  - b. Ñe armij eo ej kanne ablikajon eo ej juon oner ak rijerbal ilo juon bijnej eo ej kōmman peba in eowoj, lelok etan bijnej eo im atorej in email eo an armij eo ej kanne peba in.
  - c. Ñe armij eo ej kanne ablikajon eo ewōr an Nomba in Eowoj ñan Kalikar Armij eo ej Kanne (Preparer Tax Identification Number, PTIN), lelok nomba in ilo jikin eo emōj lewaj.
  - d. Ñe ablikajon in ekkar dedelok ilo juon jikin an Armij Make Bebe in Lelok Jibañ kanne Peba in Eowoj ikijen Kolla (Voluntary Income Tax Assistance, VITA), kakōlle bok "Aet" im lelok etan jikin eo ijin lal. Ñe ablikajon in ekkar jab dedelok ilo juon jikin an VITA, kakōlle bok "Jab".

### K. Melele kin Armij ro ilo Juon Jikin

An armij make bebe in lelok melele ko ikijen armij ilo juon jikin, bōtab enaj jibañ an rikwelok ro an state etale jejetin an jermal burokraam eo ej lelok Jibañ ikijen Eowoj ñan Baamle ko Edik Kolla ko aer.

22. Ñe kwe, armij eo belem, ak ajiri eo/ro nejum rej Hispanic, Latino, ak kom ej RiSpanish kakōlle aoleb bok ko ekkar. Ñe kwe, armij eo belem, ak ajiri eo/ro nejum rej bar juon kain Hispanic, Latino, ak kom ej RiSpanish kakōlle "Kōmelele" im je uwaak eo am ilo jikin eo emōj lewaj. Ñe kwōjab kōnaan ba kwe, armij eo belem, ak ajiri eo/ro nejum, kakōlle bok "Ijab kōnaan ba" ñan aoleb kajojo armij ro ekkar.
23. Kelet aoleb jikin ko ilalin rekka ñan kwe, armij eo belem, ak ajiri eo/ro nejum. Ñe kwōnaj kelet American Indian ak Alaska Native kakōlle "Bwij" innem je etan Bwij eo ilo jikin eo emōj lewaj. Ñe kwōjab kōnaan ba kwe, armij eo belem, ak ajiri eo/ro nejum, kakōlle bok "Ijab kōnaan ba" ñan aoleb kajojo armij ro ekkar.
24. Kelet wāween am kar roñ kin burokraam in Jibañ ikijen Eowoj ñan Baamle ko Edik Kolla ko Aer. Kakōlle "Website," "Social Media," "Bar Juon Doulul ak Opij," "Roñ jen Armij ro Jet," ak "Bar Juon."